

*Breyting á skipulagi Ásgarðs, íþróttá- og skólasvæðis í Garðabæ.*

Bæjarstjórn Garðabæjar hefur samþykkt óverulega breytingu á deiliskipulagi íþróttá- og skólasvæðis við Ásgarð í Garðabæ. Breytingin felst í að lóðarmörkum milli félagsheimilis Stjórnunnar og íþróttavalla er breytt. Deiliskipulagsbreytingin hefur fengið meðferð í samræmi við 2. mgr. 26. gr. laga nr. 73/1997 með síðari breytingum.

Ofangreindar breytingar öðlast gildi við birtingu þessarar auglýsingar.

*F. h. Garðabæjar, 19. maí 2003.*

**Bergljót S. Einarsdóttir** skipulagsfulltrúi.

## GJALDSKRÁ

**fyrir sorphirðu og sorpeyðingu í Borgarfjarðarsveit árið 2003.**

1. gr.

Gjald fyrir sorphirðingu og sorpeyðingu í Borgarfjarðarsveit fyrir árið 2003, skv. samþykkt nr. 302/2000, um sorphirðu í Borgarfjarðarsveit skal vera sem hér segir.

		<i>kr.</i>
Sorpgjald A	Íbúðir þar sem sorp er sótt að húsum	15.000
Sorpgjald B	Íbúðir þar sem íbúar losa sorp í gáma	6.600
Sorpgjald C	Sumarhús	5.400
Sorpgjald D	Fyrirtæki samkvæmt sérstökum samningum.	

2. gr.

Gjaldskrá þessi sem er samin og samþykkt af hreppsnefnd Borgarfjarðarsveitar með stoð í 25. gr. laga nr. 7/1998 um hollustuhætti og mengunarvarnir öðlast þegar gildi. Frá sama tíma fellur úr gildi gjaldskrá frá 18. febrúar 2000.

Samþykkt í hreppsnefnd Borgarfjarðarsveitar 29. janúar 2003.

*Litla-Hvammi, 13. maí 2003.*

**Sveinbjörn Eyjólfsson** oddviti.

## GJALDSKRÁ

**fyrir hreinsun og tæmingu rotþróa í Borgarfjarðarsveit.**

1. gr.

Hreppsnefnd Borgarfjarðarsveitar er heimilt, í samræmi við 4. gr. samþykktar nr. 225/2001 um notkun og hreinsun rotþróa í Borgarfjarðarsveit, að leggja á sérstakt gjald vegna hreinsunar og tæmingar rotþróa í Borgarfjarðarsveit.

## 2. gr.

Gjaldið er árlega, sem hér greinir:

<i>Rotþró</i>	<i>kr.</i>
minni en 2000 l	3.000
2000 - 4000 l	3.500
4000 - 6000 l	4.150

Fyrir rotþrær stærri en 6000 l er innheimt samkvæmt reikningi kr. 2.136 á rúmmetra við losun.

## 3. gr.

Gjaldskrá þessi er samin og samþykkt af hreppsnefnd Borgarfjarðarsveitar með stoð í 25. gr. laga nr. 7/1998 um hollustuhætti og mengunarvarnir og öðlast þegar gildi. Frá sama tíma fellur úr gildi gjaldskrá frá 1. janúar 2002 um hreinsun og tæmingu rotþróa í Borgarfjarðarsveit.

Samþykkt í hreppsnefnd Borgarfjarðarsveitar 29. janúar 2003.

*Litla-Hvammi, 13. maí 2003.*

**Sveinbjörn Eyjólfsson** oddviti.

## REGLUGERÐ

### um breytingu á reglugerð um notkun erlendra ökutækja, nr. 267 1. júlí 1993.

## 1. gr.

4. gr., sbr. 1. gr. reglugerðar nr. 96 31. janúar 1996, orðast svo:

Ökutækið skal váttryggt ábyrgðartryggingu samkvæmt ákvæðum umferðarlaga.

Litið skal svo á að váttryggingarskyldu sé fullnægt að því er varðar ökutæki sem skráð eru í ríkjum sem talin eru upp í viðauka I. Þetta á þó ekki við um ökutæki, sem nefnd eru í viðauka II.

Vegna annarra ökutækja en nefnd eru í 1. málslíð 2. mgr. skal ökumaður (umráðamaður) hafa undir höndum alþjóðlegt váttryggingarkort fyrir ökutæki („grænt kort“) eða staðfestingu váttryggingafélags með starfsleyfi hér á landi. Skulu þessi gögn bera með sér, að lögboðin ábyrgðartrygging sé í gildi, og skal váttryggingin gilda í aðildarríkjum Evrópska efnahags-svæðisins (EES) og Fríverslunarsamtaka Evrópu (EFTA).

Alþjóðlegar bifreiðatryggingar á Íslandi sf. ábyrgjast að ökutæki sem skráð er erlendis en hér er notað um stundarsakir sé váttryggt lögmæltri ábyrgðartryggingu ef önnur váttrygging er ekki fyrir hendi enda hafi ökumaður (umráðamaður) ökutækisins við innflutning þess lagt fram alþjóðlegt váttryggingarkort fyrir ökutæki („grænt kort“) sem út er gefið í samræmi við reglur þær um alþjóðlegar bifreiðatryggingar sem undirnefnd um vegflutninga í innanlandsflutninganefnd efnahagsnefndar Sameinuðu þjóðanna fyrir Evrópu hefur mælt með.

Eftirlit með því að erlent ökutæki, sem ekið er hér á landi, uppfylli kröfur reglugerðar þessarar, þ.m.t. hvort í gildi sé ábyrgðartrygging vegna þess, skal fyrst og fremst byggjast á úrtakseftirliti. Skal slíkt eftirlit fara fram bæði við innflutning ökutækisins og eftir að notkun